



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education

Broj: 11-06/01-04-7014-58/26
Sarajevo, 31.03.2026. godine

SVIM SREDNJIM ŠKOLAMA KAO JAVNIM USTANOVAMA
n/r Direktora/Direktorice

PREDMET: Obavještenje, *dostavlja se*

Poštovani/Poštovana,

Ministarstvo za odgoj i obrazovanje Kantona Sarajevo (u daljem tekstu: Ministarstvo) ranije Vas je informisalo aktom, broj: 11-06/01-04-7014-1/26 od 17.03.2026. godine da je Javni oglas za imenovanje na pozicije za izbor i imenovanje na pozicije predsjednika i članova u školskom odboru srednje škole, srednjoškolskog i školskog centra kao javnih ustanova na području Kantona Sarajevo, čija konačna imenovanja vrši Vlada Kantona Sarajevo, broj: 11-06/01-04-7014-1/26 od 13. 3. 2026. godine (u daljem tekstu: Javni oglas) objavljen dana 16.03.2026. godine (ponedjeljak) u dnevnim novinama „Oslobođenje“, na zvaničnoj internet stranici Vlade Kantona Sarajevo i Ministarstva. Javni oglas je dana 19.03.2026. godine objavljen u izdanju „Službenih novina Federacije Bosne i Hercegovine“ (Oglasni dio, broj: 21/26).

U prilogu teksta Javnog oglasa objavljenog na internet stranici Vlade Kantona Sarajevo i Ministarstva nalazi se između ostalog i *Prijavni obrazac 1*, a isti se može u skladu sa tekstom Javnog oglasa preuzeti u šalter-sali Kantona Sarajevo (ul. Reisa Džemaludina Čauševića br.1). Uvidom u isti utvrđena je tehnička greška u tački 2. dijela Prijavnog obrasca 1, koja se odnosi na poziciju u školskom odboru srednje škole-predstavnik Grada/općine, na koju se kandidati prijavljuju. Naime, imajući u vidu da se kandidati prijavljuju za poziciju člana školskog odbora-predstavnika Grada Sarajeva u školama koje se nalaze unutar područja Grada Sarajeva, potrebno je da umjesto riječi: „općine“ pišu riječi: „Grada/općine“.

Ispravka Javnog oglasa će biti objavljena na internet stranici Vlade Kantona Sarajevo i Ministarstva zajedno sa korigovanim *Prijavnim obrascem 1*, a isti će biti dostupan i u šalter-sali Kantona Sarajevo. Također, ispravka Javnog oglasa će biti objavljena i u dnevnim novinama „Oslobođenje“, kao i u izdanju „Službenih novina Federacije Bosne i Hercegovine“. Imajući u vidu da je do dana sačinjavanja ovog akta od dana posljednjeg javnog objavljivanja (objava u „Službenim novinama Federacije Bosne i Hercegovine“) proteklo dvanaest dana, rok za prijavu kandidatima po predmetnom Javnom oglasu, u skladu sa Ispravkom istog, bit će produžen za dvanaest (12) dana od posljednjeg javnog objavljivanja Ispravke Javnog oglasa, odnosno objavljivanja Ispravke Javnog oglasa u izdanju „Službenih novina Federacije Bosne i Hercegovine“.



Napominjemo da će se prijave kandidata koji su aplicirali po predmetnom javnom oglasu i u dokumentaciji predali Prijavni obrazac 1 koji je do dana sačinjavanja ovog akta bio dostupan zainteresiranim na naprijed navedeni način, a na kojem su dopisali riječ: „Grad“ ili na drugi odgovarajući način naznačili da apliciraju za ovu poziciju u školskom odboru, uzeti u razmatranje ukoliko ispunjavaju ostale uvjete tražene Javnim oglasom.

S poštovanjem,



Dostaviti:

1. Naslovu;
2. A/a.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-128
Web: <http://mo.ks.gov.ba>, E-mail: mo@mo.ks.gov.ba